



Broj: 05-04-7728-22/23
Sarajevo, 26.-05.2023. godine

SKUPŠTINA KANTONA SARAJEVO
- OVDJE-
n/r Elvedin Okerić, predsjedavajući

PREDMET: Odgovor na zastupničku inicijativu, dostavlja se

Zastupnik Skupštine Kantona Sarajevo Elvis Vreto je na Petoj radnoj sjednici Skupštine Kantona Sarajevo, održanoj dana 24.03.2023. godine, u okviru tačke Dnevnog reda "Poslanička/zastupnička pitanja, inicijative i odgovori", uputio je zastupničku inicijativu, kako slijedi:

"Na osnovu Poslovnika Skupštine KS, upućujem inicijativu za planiranje sredstava i uvođenje programa poticaja/sufinansiranja kod ugradnje solarnih panela za proizvodnju električne energije, sistema toplotnih pumpi i slično, kako za individualna domaćinstva tako i za poslovne subjekte u Kantonu Sarajevo kao odvojena dva programa."

ODGOVOR:

Proizvodnja električne energije iz izvora fosilnih goriva dosegla je vrhunac na globalnom nivou, dok se predviđa da će solarna energija biti predvodnik proizvodnje energije u bliskoj budućnosti. Predviđa se da će se do 2050. godine proizvodnja solarne energije povećati na 48% zahvaljujući gospodarskom i industrijskom rastu.

Za uvođenje ovakvih energetske sistema potrebno je da donosioci odluka izrade plan i strategiju smanjenja ovisnosti o fosilnim gorivima na višim nivoima vlasti, a koje objedinjuju sve aspekte okoliša i prostora.

Kanton Sarajevo je pokušao da odgovori na izazove uvođenja mjera i ograničenja fosilnih goriva što je kompilirano u Zelenom Akcionom Planu Kantona Sarajevo (GCAP), kao i kroz Odluku o izmjenama i dopunama odluke o donošenju Kantonalnog plana zaštite okoliša Kantona Sarajevo („Službene novine Kantona Sarajevo“ br. 20/21 i 21/21).

Ulaganja u individualna domaćinstva i energetske potencijal istih se odvija i kroz programe finansijske podrške ovog ministarstva na osnovu provedenih istraživanja i studija realnih potreba. Program sufinansiranja ugradnje solarnih panela trenutno se pokazao kao neodrživ i bez veće koristi za individualna domaćinstva. Razlog za ovo je činjenica da postojeći zakoni na federalnom nivou ne pružaju povoljne uvjete za individualna domaćinstva u postupku proizvodnje energije. Novi nacrt Zakona o obnovljivim izvorima energije trenutno je u parlamentarnoj proceduri i nakon njegovog donošenja Ministarstvo može pokrenuti konkretne aktivnosti. Po trenutnim aktuelnim cijenama električne energije u FBiH, kao i komplikovane procedure umrežavanja solarnih panela, nema opravdanosti za individualna

domaćinstva. Stoga, ulaganja u ove izvore energije u ovom trenutku ne bi imalo zadovoljavajući stepen povrata uložene investicije tj. stvarne koristi za domaćinstva.

Realno rješenje leži u intersektorskom pristupu na svim nivoima vlasti i uključivanja svih donosilaca odluka što potvrđuje i činjenica da aktivnosti koje se realizuju bez uključivanja svih sudionika često su samo minorna mjera u rješavanju sveobuhvatnog problema.

Rad sa međunarodnim partnerima i donatorima u velikoj mjeri pomaže da se targetiraju rješavanja ključnih mjera i problema. Razvojni Program Ujedinjenih Nacija u Bosni i Hercegovini trenutno razvija opsežni alat tzv. "Solarni Atlas" koji će detaljno pokazati potencijal postavljanja solarnih panela u gradovima. Također, Svjetska banka, u sklopu svojih projektnih aktivnosti, prije nekoliko godina uradila je solarnu mapu potencijala Bosne i Hercegovine, kojom, nažalost, nije detaljno obuhvaćena problematika postavljanja panela.

Ministarstvo komunalne privrede, infrastrukture, prostornog uređenja, građenja i zaštite okoliša KS, u saradnji sa Ministarstvom privrede KS, je u skladu sa predviđenim aktivnostima u Kantonalnom planu zaštite okoliša Kantona Sarajevo u narednom periodu je planiralo izradu Studije o mogućnosti ulaska na tržište tehnologija na energiju iz obnovljivih izvora u KS.

Rado ćemo vas izvještavati o narednim koracima koje ćemo poduzeti i koje smo predvidjeli u narednom periodu.



Dostaviti:

- Naslovu
- Stručnoj službi Vlade Kantona Sarajevo
- Službi za skupštinske poslove +CD
- Evidencija
- Arhiva



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-086, Fax: + 387 (0) 33 562-177

Web: <http://mkipgo.ks.gov.ba>,

E-mail: mkipgo@mkipgo.ks.gov.ba